

列女傳下

河內縣志卷第三十三

國朝

王思忠妻張氏孝事舅姑夫歿氏年二十九撫育幼子之植成立爲歲貢生苦節三十餘年

宋文炳妻潘氏夫亡氏年二十二矢志守節撫周歲孤成立壽七十有餘而終

許有齡妻遠氏夫故氏哀慟廢食誓死相從以姑老子幼矢志守貞備嘗艱苦事孀姑壽終子亦成立年七十有餘乃卒
趙世英妻王氏夫亡矢志守節遭寇變夫姑攜子南竄姑被殺氏赴水獲免迄三十餘年子成立乃卒

杜國泰妻陳氏夫亡守節感重病次媳張氏割股以療縣令

旌門曰節孝

史應第妻雷氏青年守節

李養淳妻衛氏年三十一守節享年八十有餘

郝長鳴妻徐氏夫死氏年十九甘貧守節孝養舅姑撫孤年

成進士

靳元霖妻張氏夫亡守節撫遺腹子成立

閃鑑妻程氏年十七守節撫孫成立

衛捷元妻張氏夫亡守節

陳來賓妻劉氏來賓仕樂安知縣卒氏年二十五守節四十

五年壽七十餘而卒

楊世望妻邵氏夫故氏年二十二守節撫孤子光先光先復

天又撫孤孫之俊生曾孫又生元孫壽九十而終

王允爵妻劉氏王允奇妻趙氏劉二十一歲趙十七歲皆失所天趙有遺腹子妯娌守節同撫之有司表曰雙節

王輔世妻郝氏輔世亡郝年二十三守節五十餘載

高衡如妻吳氏年十九守節撫遺腹子及生孫而子復天又撫幼孫苦節終身勿渝

盧俊愛妻屈氏夫病剝股夫亡守節撫三歲孤苦節五十七年壽八十三歲

高俊如妻婁氏夫歿氏撫遺女茹素爲斗室自錮一几一篋供大士像焚香受戒諸姑姊姪累日罕覩其面女適人尋天氏遂絕粒而死

王世貴妻劉氏世貴病氏割股以進乃瘳越三年世貴卒氏守節終身

劉淇清妻李氏夫亡氏年二十六晝夜悲痛既葬自縊以殉郭正蒙妻原氏正蒙至孝早逝氏年二十六事姑撫子成立其媳趙氏事孀姑尤謹姑病禱神借壽割股爲羹姑病隨愈姑節婦孝世不多見

毛鶴羽妻謝氏年十九守節撫遺腹子成立娶婦周氏子又天遺腹生孫姑媳守節兩世皆以壽終

謝文昭妻馬氏夫亡年二十九撫遺腹子成立至六十歲苦節三十餘年

高乘龍妻王氏二十一歲守節四十餘年

任一宗妻牛氏二十五歲守節至七十四歲

周應秋妻朱氏夫亡事姑撫子孀居三十年壽六十餘歲

庠生趙民望妻賀氏二十三歲守節五十餘年

王一習妻秦氏二十九歲守節至七十歲乃卒

茹廷翰妻劉氏十七歲夫亡孀居三十餘年

庠生羅宏業妻沈氏夫故氏年十六守節撫孤孀居五十餘年壽七十餘歲子述國子監生

徐實光妻許氏夫故年方十七力貧苦節五十年

趙思鑄妻桑氏青年守節撫孤成立白首全貞節壽雙高子激廩膳生

李良才妻趙氏夫亡守節三十餘年

任一貴妻劉氏夫亡晝夜啼號五日自縊而死

鄭守雲妻夏氏夫亡孤子生才齠月撫之成立苦志守節年七十餘乃卒

楊遂生妻李氏遂生亡李年十九守節事姑撫子成立

田繼樓妻楊氏子之清妻李氏姑媳雙節力食甘貧不改其志

徐化鳳妻金氏夫亡撫孤苦節四十餘年

黃榜妻張氏夫亡氏年十八孤才周歲撫養教育至於成立守節六十餘年年八十有一

王四表妻金氏夫亡守節六十年年八十餘卒

鄒思紹妻劉氏夫亡氏年十七遺子茂如方周歲教以書方

迨於成立爲縣學生守節六十餘年卒

陳大寧妻丁氏夫亡斷髮自誓事舅姑撫遺子苦節五十年
壽七十四歲

生員蕭毓馥妻張氏夫亡剪髮自誓撫遺孤帝臣苦節三十
餘年

生員蕭友蘭妻孫氏夫亡年二十紡績事姑守貞四十餘年
而終

庠生張光顯妻劉氏夫亡年二十一事姑克孝撫子成名
苦節三十餘年

陳日附妻吳氏日附早亡孝事孀姑撫育二子咸克成立守
節三十餘年

王印嵩妻陳氏夫亡事姑終其孝養

茹光顯妻謝氏夫亡守節

甯塏妻韓氏夫亡守節撫子成立七十餘歲卒

徐應高妻李氏夫亡氏年二十一甘貧守節

董之立妻楊氏十九孀居守節四十九歲而卒

韓如兆妻張氏夫亡氏守節七十九歲乃卒

韓元祉妻劉氏夫死守節終身

謝大德妻胡氏夫亡年二十撫子堅貞守節

庠生蕭家蓮妻婁氏蓮亡無子婁年二十五痛哭幾死家人力勸爲之立嗣氏撫之如已出守節三十年前宰李標旌之以額

劉澤遠妻王氏夫亡守節壽一百五歲里人公舉前宰李樛
賜緞布各一以表之

傅來賓妻何氏賓亡家無擔石紡績以養翁姑苦節四十餘
年

馬若時妻董氏夫亡守節三十餘年

廩生張世泰妻丁氏與妾王氏撫一子一女同心守節四十
餘年

孫兆祥妻張氏夫亡張年十七歲撫遺腹子守節四十餘年
廩生胡岱妻陸氏岱病氏割股肉以進病隨愈後岱出卒撫幼
子翼聖力貧能教翼聖中丙戌科進士

鄒思緝妻鞏氏割股療翁姑病人稱其孝云

生員薛允昌妻吳氏夫亡毀容斷髮苦節三十年

鄒模妻沈氏夫亡守節

蕭濃露妻謝氏夫亡剪髮自守杜門立節

張毓德妻王氏夫亡守節割股療姑病姑老齒落飲食不能下咽氏引姑就乳以保殘年久稱其孝

張齊五妻郁氏結縵三日而齊五死翁姑已垂白氏矢志守節生事死葬咸以孝聞

王鼎鉉妻齊氏割股奉母

鄒思綰妻蕭氏割股以療翁疾輒愈姑病痿起居須人扶掖氏事之十六年無倦色

張力加妻楊氏割股療翁姑疾皆愈

路素妻趙氏夫卒遺孤三月撫之成立乃卒

楊子廷妻劉氏夫亡守節五十四年

謝懋昌妻史氏謝游學京師翁病氏親延醫罔效割股療之
輒愈

沈洪箕妻劉氏箕爲鄉賢加顯子敏慧而天氏矢志苦節四
十年如一日事孀姑以孝聞學道府縣各給扁以旌之

高如信妻連氏如信農家守禾田間族人某入室逼之氏堅
拒大呼乃驚逸明日夫歸訴其故而自縊

桑大魁妻高氏年十七適大魁相夫苦志讀書終夜不輟甫
二年而大魁以病卒氏執書而泣殮畢卽自經以殉

李良戍妻王氏夫亡年二十二立嗣卜葬事畢自經死

靳過妻都氏年十八夫亡一指納棺中有諷以改適者以指示之及疾不服藥以悲死

楊之謙妻李氏夫亡年二十一自經死

宋法龍妻劉氏夫亡舅姑欲奪其志投井死鄉人立碑表其烈

李家秀妻梁氏夫亡年十八舅姑欲奪其志度不可脫遂不食賦絕命詞一章遂死

李良現妻季氏夫亡年二十三以死自誓力貧以養舅姑撫姪爲嗣後舅姑相繼歿葬畢卽自經死

王欽賢妾夏氏夫亡年二十一嫡以年少欲嫁之氏潛入室仰藥嫡聞其呻吟聲入室呼之曰死吾分也所恨言訖而

絕

靳無雙妻李氏夫亡年二十四撫三歲遺孤翁姑皆近八旬竭力孝養歿後爲營葬畢疾甚不服藥以悲死

賈穩妻路氏夫亡年二十九事翁姑盡禮守節五十一年

蘇禹功妻柴氏幼以孝謹聞夫亡年二十八富室慕其賢謀奪其志氏厲詞拒之家貧甚且無子苦節三十一年

范三川妻靳氏夫亡年二十一翁姑年老子方兩月力貧自矢子又夭媳牛氏亦孝姑婦撫養遺孤靳守節四十二年牛守節五十二年

靳五行妻呂氏夫亡年二十二無子姑已七旬氏毀容勵志孝養惟謹撫姪爲嗣守節六十七年

舉人靳克健妻秦氏夫亡年二十五家無擔石勤女紅以奉舅姑課子讀書皆克成年守節三十三年

李元良妻史氏夫亡年十九舅老子甫彌月氏守節安貧及子三歲每食必與姑分甘且屢禁之後遂嚙去一指以示懲戒鄉人聞而傷之苦節四十餘年

靳如嶽妻劉氏夫亡年二十一翁姑衰疾氏奉事盡禮撫兩歲子成立守節三十五年

程兆鵬妻史氏夫亡年二十二無子甫三月而姑又亡氏奉養衰翁保抱弱叔後撫叔子東壁爲嗣食餼郡庠苦節五十一年

靳廷學妻秦氏年二十七夫亡撫姪爲嗣守節四十四年

李君昇妻孔氏年十九夫以貿易歿於外舅冬病氏力貧孝養始終不懈舅八十餘歲卒氏六十有奇亦繼歿鄉人莫不感嘆

原倫妻陳氏夫亡年二十六勤女工以養舅姑子國士娶陳氏未幾復亡陳年十八孤宗直甫生撫之成立娶婦李氏不數月宗直又夭李年十四無子苦節與姑及祖姑相繼歿一門三節鄉人哀之

陳正已妻任氏夫亡年二十一遺孤僅十日舅姑欲使改適氏誓死依母家度日紡績有餘餽夫弟以養舅姑舅姑歿竭力營辦喪葬守節四十九年

王化周妻渠氏夫亡年二十六孝事舅姑撫子成立守節四

十二年

前已有王化周妻梁氏此云梁氏疑字誤重見

王鹿鳴妻范氏夫亡守節孝事舅姑歿後人猶稱之

陳燦妻葛氏夫亡年二十二食貧課子守節五十三年長子靜誠乾隆辛酉舉人次子本誠邑庠生

趙宗振妻陳氏夫早亡孝事衰姑歲荒以膳奉姑自食則榆皮糠糝而已嘗教其子以成立苦節終身

段世龍妻蕭氏夫亡年十九孝養舅姑撫嗣子以正苦節四十九年

任世良妻張氏夫亡年二十七孝事兩世舅姑撫嗣成立守節三十八年

任鑑妻王氏夫早亡孝事舅姑撫育遺子媳亡又撫孫成立

以節終

郝庚妻蕭氏夫早亡力貧自矢守節終身

劉生蘭妻邢氏夫亡年二十五孝養孀姑撫育幼子守節四十餘年

劉世楨妻張氏夫亡年二十八舅老病奉養不怠撫嗣守節六十餘年

張好忠妻李氏夫亡年二十九孝慈兼盡孫曾林立守節五十年

司永通妻呂氏夫亡年十九無子孝事孀姑苦節三十餘年
郭景良妻靳氏夫亡年十八孝事衰翁撫育遺孤既婚而子
婦相繼歿復撫姪孫爲嗣苦節六十餘年

宋九儒妻夫亡年二十三矢志自守撫姪爲嗣孝事病姑守節四十六年

張世寧妻陳氏年十九夫亡守節六十餘年年八十二卒康熙五十四年有司表其門

張璧妻章氏夫亡年二十矢志守節孝事舅姑撫姪爲嗣守節四十四年

劉冬知妻郭氏夫亡年二十守節五十餘年

靳無憐妻馬氏夫亡年十九週歲舅姑繼歿夫弟亦僅三歲氏愛護同於己子撫育成立苦節四十七年

劉克勤妻靳氏夫亡年十九自殞殮至葬投繯者再後以舅姑泣勸止苦節三十九年

王氣順妻翟氏夫亡年十九孝養舅姑苦節三十五年

李廷秀妻孟氏于歸數月夫落魄不歸舅歿姑嫁氏孤苦無依有勸以改適者厲辭拒之鄰里周之亦不受守節三十餘年

高廷機妻許氏夫亡年二十七守節自誓孝姑撫子守節四十餘年

秦世崑妻曹氏夫亡年十九孝事舅姑撫姪爲嗣苦節三十餘年

蘇士寬妻高氏夫亡年二十一孝事舅姑訓子以正守節三十餘年

任正官妻尙氏夫亡年二十三家貧茹苦撫孤俾各以勤儉

起家晚樂善不倦以節終

孫有壽妻楊氏蔣斌妻趙氏劉攀貴妻李氏陸一龍妻李氏
蔡毓真妻陳氏邵希朱妻劉氏邵純修妻魯氏李文元妻王
氏李第讓妻陳氏李生務妻尙氏牛景瑞妻胡氏董乘驥妻
王氏董乘驊妻田氏陳居易妻張氏王宗印妻張氏王心印
妻陳氏陳某妻邵氏陳某妻張氏陳某妻梁氏陳某妻原氏
俱夫亡守節張國燧妻楊氏割股療翁姑病俱愈

烈女胡氏盡忠女幼許字劉端端少孤依叔父以居年十四
而天女時年十六媒妁謀於盡忠將以改字女聞之痛哭跪
而告父曰焉有一樹之皮而可兩剥乎請歸劉氏父不許女
乘間易素衣白履謂其父曰我死當以此服給葬劉氏以

全兒節嗚咽哀號絕食數日而卒父葬於隙地甫葬卽見夢鄰婦漸見於家父懼始告劉遷柩合厝焉里人會葬者咸多女之年少而知大義也

陳耕妻李氏歸未踰月天亡旣葬矣七日往祭於墓哭盡哀返室自刃母家居相近奔往視之頸已殊矣猶以手掩其母口使勿哭先是翁葬耕時氏力請於翁願瘞穴葬夫至是知其志已素定云

李良賢妻李氏年十九夫亡親屬以氏少勸改適氏拒不聽比服闋復黹之氏應曰姑老矣且多病一旦舍之何以自安乃紡績侍養越數載姑歿氏哀毀骨立盡鬻粧奩與夫兄共營葬事旣竣於其年五月伺家人他出投繯而死

廉敬松妻郭氏年二十九歲夫亡觸棺泣血誓以身殉未兩月翁姑葬其夫氏送葬畢歸卽自縊時乾隆三十一年二月初二日也鄰里具其事於縣縣將達於上後復不果可嘆也尙轉旦妻烈婦李氏夫亡旣歿氏歸辭父母自縊以殉邑人李家騏爲之傳

石貢玉妻靳氏年二十一歲無子夫病危呼人抱姪至玉力疾持兒謂氏曰吾病甚料不起此兒卽吾子也善視之言已遂死氏撫兒若已出兒年十二暴亡氏哭曰我之所以不死者爲夫曾托孤也卽不食數日而卒

李家三妻季氏年二十守節舅姑憐其少欲嫁之遂不食三

自縊死

董鳳醴妻孔氏年二十一夫亡無子守節奉養舅姑家日拮据而能先意承志姑歿舅娶繼姑氏事之如一繼姑又歿舅益老困氏奉養十餘年無少怠既而舅以壽終氏遂不食而死

齊 妻閔氏東張茹村人夫亡痛哭欲從死家人共防守之及殮畢伺家人不在側卒縊以殉

舉人賀鵬程繼室劉氏年二十七夫亡決意從死翁再三慰之終日無一言經月不盥櫛如癡如迷越二載翁宦遊南國次晨縊於夫柩側前室子君榮庠生

郡廩生李萬興繼室張氏夫亡氏於次年葬夫後自縊以殉成烈婦尚香鎮人年十八歸陳延土土故農家子貧窶不自

瞻因年荒困頓無聊以帶自縊婦痛其夫之亡也誓與同縊
隱其帶不以示人吞聲飲泣即日營葬既葬母欲導之歸辭
弗往夜出其夫縊之帶就夫縊之地縊死焉時年二十有一
牛光和妻李氏年十七于歸未逾年夫亡母因氏少欲令改
適氏堅拒不聽雖至戚悉絕往來夫既喪終自縊而卒

秦有成妻張氏年二十一夫亡舅歿姑老病百藥不效氏傍
徨無所措剖股和藥以進遂愈及姑卒以姪繼夫後營葬既
畢謂家人曰吾事畢矣因絕食數日而卒

貞女馬福姐者幼字買進孝未婚而進孝死女聞卽奔喪守
志事姑如母而其母拜氏亦無子寡居女兩事之各得其歡

心並爲兩家立後以承祭祀鄉里舉其貞孝

楊生耀妻任氏年二十六夫亡上事老姑下育弱息節義皆可稱守節五十八年年八十四卒

張聚道妻李氏年二十二夫亡守節五十年年七十二卒

魯銘妻張氏庠生廷相之姑也年二十五歲夫亡無子以姪大有爲後生甫一月耳氏襁褓織紡撫育成立娶妻生子元大有貿易卒於外其妻亦亡又撫孤孫至於成立娶婦勤苦終身至八十餘歲卒守節六十年

郝天申妻張氏年二十二歲夫亡孝事翁姑以堂姪爲嗣守節五十年年七十二歲卒

監生宋子龍妻崔氏年二十一夫亡守節二十八年年四十九歲卒

靳動宜妻周氏年二十三夫亡守節五十二年年七十六歲卒

劉文德妻靳氏年二十二夫亡守節五十三年年七十三歲卒

張承順妻周氏年二十一夫亡無子家貧翁姑老有勸之改適者氏厲言拒之以女功養翁姑卒能養老送終爲夫立嗣子曰廷會教訓成立守節六十三年年八十三卒

張腆妻劉氏年二十而寡翁姑俱亡有夫弟三人俱幼氏以次完婚教以成立河內武陟修武之士贈以額曰士民儀型氏嗣子奸縣學生鄉里稱爲善人前官胡賜匾曰尙義可風至今俱存

寶鳳妻趙氏年二十七夫亡事姑教子亦孝亦慈守節五十餘年卒

生員孫正修妻王氏年二十七守節撫孤成立六十一歲卒
處士孫兆湜妻程氏年二十婦居奉養翁姑撫孤成立年七十九卒

處士程守樂妻侯氏夫死三日子安賢年二十四婦居至七十六卒

李永吉妻劉氏年二十三守節撫孤成立壽一百一歲卒

處士張勳臣妻沈氏年二十二婦居年七十二卒

賈新成妻許氏年二十六夫亡取胞姪才茂爲嗣愛若已出爲娶妻王氏後嗣子亦亡撫孫永祥成立守節五十四年終

媳王氏亦守節二十八年現年五十餘歲
候選都司郭靜邊妻馬氏夫亡氏年二十五矢志守節孝事
翁姑撫嗣子成立守節五十九年年八十四卒
候選衛千總郭化醇妻任氏年二十一夫亡孝事翁姑撫孤
子成立守節二十六年年四十七卒

段扶序妻趙氏年二十一夫亡守節六十一年年八十二卒
李伯享妻閻氏年二十三夫亡姑老子稚仰事俯畜無所愧
守節四十三年年六十六卒

禹振五妻孫氏係故監生孫夢鰲義女幼爲女僕鰲見氏端
重視爲己女年十九適禹氏逾月夫出外貿易遂爾病故柩

至氏泣告義父誓不再醮請爲夫立祠表其志

助嗣子晝耕夜績以奉養翁姑數十年衣食無缺年六十三卒

孫大昌妻田氏年三十一夫亡撫三子成立守節四十餘年
年七十五卒

孫作金妻徐氏年三十五夫亡守節三十三年年六十八卒
傅王臣妻馮氏年十九夫亡無子撫姪良玉成立苦節三十
八年年五十七卒

傅王賓妻郭氏適夫家時姑已逝年二十夫亡無子夫弟二
人皆幼氏撫育成立守節五十年年七十卒

石如義妻賀氏年十七適石生一子未二歲而如義死又一
年子亦殤氏奉翁姑篤娣姒咸盡其道立嗣子以奉夫祀卒

時年六十七守節四十八年

孫大庚妻張氏年三十二夫亡事翁撫孤守節四十二年
七十五卒

侯發瑞妻潘氏年二十九夫亡無子撫姪成立事翁姑終其
天年守節五十餘年年八十一卒

徐庚妻劉氏于歸未三載庚亡遺一子亦殤氏痛哭不食欲
從夫死翁姑勸之始復食奉養翁姑朝夕不倦請翁納妾以
延後嗣庶姑連生三子氏殷勤撫育俱成立翁歸終囑其子
曰爾等宜以事母者事爾嫂以孫大興嗣爾兄後毋忘吾孝
婦之德也守節四十餘年

劉廷輔妻顧氏年三十三夫亡無子撫姪成立事翁姑終其

年年七十九卒

皇甫天香妻婁氏鄉賢婁公裔孫女也年十九夫亡青年守節白首完貞訓子孫成立孫河清恩貢生

烈女皇甫氏者農家子也字崔發祥未嫁而發祥死烈女逕奔喪請于夫之父母爲之立後闔戶自經死興縣康儀鈞少山紀其事

衛懷璧妻張氏年二十四夫亡守節三十六年

趙欽銘妻王氏年二十七夫亡守節三十九年

紀士許妻馬氏年二十七夫亡翁得心疾氏奉湯藥不寐者年餘撫嗣子無異已出守節四十四年

衛炳文妻劉氏年二十九夫亡奉姑撫子守節三十餘年

于得龍妻任氏年三十夫亡家貧一子又夭守節四十二年
任澤遠妻子氏年二十二夫亡家貧無子守節二十八年

趙訂妻張氏年二十八夫亡事孀姑二十餘年無不曲盡了
恩光稍長使就外傅家貧典衣釵以爲攻苦之用日爾父功
名未就爾能成父之志此物吾奚愛哉其子卒爲縣學生民
守節三十七年

主簿許可均妻周氏年二十八夫亡子生甫三月撫之平立
守節三十二年

張曰誠妻樊氏年二十八夫亡子甫三歲氏紡織自給訓孤
成立守節五十年

牛興妻孫氏年十八夫亡遺一子曰文長夫周歲氏

立爲妻陳氏年二十八女長亦亡撫子士元長娶王氏年
二十三歲而士元亡均守節四十餘年鄉黨稱之以爲三世
苦節

竇履泰妻王氏年二十夫亡無子夫弟甫三歲氏撫育成立
爲娶妻舉一子爲其夫嗣焉守節五十六年

侯成仁妻劉氏年三十夫亡撫子作舟成立守節二十六年
作舟妻呂氏年二十三夫亡子甫四歲呂勤女紅奉孀姑撫
子成立現年四十九

黃西安妻王氏年二十一夫亡撫孤成立守節四十年

馬士信妻秦氏年二十二夫亡孝養翁姑三十年撫子建太
以立守節四十餘年年六十七卒

王好學妻李氏年二十七守節年八十四卒

高福藝妻王氏年二十八夫亡祖姑龐氏在堂氏勤婦工每食必供甘旨龐年九十餘壽終謀所以葬祖姑而先世四代之喪俱未歸葬氏獨力營辦厝於祖塋撫幼子成立年七十

四

董學明妻張氏年三十夫亡生三子夫兄學明無後以所生長子欽承嗣之殯葬翁姑兄嫂守節四十一年

靳震妻范氏年二十六夫亡無出以夫兄次子爲嗣氏壽七十七守節五十一年

王有直妻王氏年二十四夫亡守節四十一年年六十五卒

張有瑞妻和氏年十九守節翁病親服以秦之

後漢之風五年六月卒

范植妻蕭氏夫亡子照紳甫三歲氏撫之成立守節四十年
許斌妻楊氏夫亡撫子履均成立守節四十七年

李元貞妻冷氏年十九子歸踰月夫亡氏守志事姑以姪爲
嗣推育如已出苦節三十四年卒

范士彪妻劉氏夫亡子雲衢甫三歲氏撫之成立守節六十
年

張萬寧妻朱氏年二十七夫亡子甫二歲奉養翁姑撫孤成
立守節三十餘年

邱澤民妻陳氏年十九夫亡苦節垂三十年年四十六卒

張生信妻焦氏年十九夫亡孝養翁姑始終不懈苦節三十

餘年

王文清妻李氏年二十七夫亡撫孤守節子二有貞有生有貞縣學生氏年七十六卒

王國棟妻劉氏年二十九夫亡事繼姑歷三十餘年不稍懈以姪爲嗣姪方二歲氏撫育成立葬姑及夫克延先祚皆氏之力

張玉妻郝氏適玉數年無子典釵珥爲夫娶妾生一子二女夫亡守節撫養妾子成立年七十四卒

劉大福妻宋氏年未三十夫亡守節姑失明朝夕孝養甘旨無缺教子成立年八十五卒

候選從九品陳遇慶妻郝氏年二十九夫亡守節撫養妾子成立年八十五卒

江蘇詩集卷之五果馬生守節四十餘年壽七十

王文祥妻王氏年二十四夫亡生子甫八月撫之成立守節五十三年年七十七卒

李三傑妻張氏年二十夫亡孝養翁姑終身以姪爲嗣愛如已出叔欲爲請旌氏曰守節婦人分也何請爲

朱鵬妻楊氏年未三十而夫亡姑因哭子喪明氏守節事姑撫姪爲嗣曲盡心力里人表其門曰邢邱節範以美之

李清連妻劉氏年十七歸李甫一月而夫亡奉事翁姑生養死葬并葬埋祖姑撫堂姪爲嗣守節垂三十年

典籍郝庚妻蕭氏庠生蕭玟女庠生郝价二兒婦也夫亡家貧矢志靡他前縣令胡公睿榕表其門曰節孝紉風守節七

十二年八十九卒

丁士超妻趙氏年十九于歸甫三月夫亡氏甘貧守節力作辛苦上事翁姑下撫幼姪守節六十一年年八十一卒

李元章妻宋氏年十九夫亡苦節五十餘年年七十餘卒

周紹舜妻張氏年十七適周翁年老姑早逝家事一切賴氏經理未三載夫亡痛欲自盡翁勸止之上事衰翁俾終天年下撫幼子俾克成立守節三十一年

張生芳妻魏氏年二十四夫亡家貧日夜紡績奉翁姑以孝聞撫幼子成立壽至九十有九親見四代元孫又爲古今罕

覲云

牛景孟妻胡氏年二十一夫亡守節三十一年

氏無出以夫伯兄次子爲嗣

任良鎮妻王氏年二十七夫亡無子家貧事女紅奉養翁姑晨昏不怠撫族弟之子宅宗爲嗣教訓成立守節四十六年七十三卒

陳有胤妻申氏夫亡二子皆幼撫孤守志六十餘年年九十卒

衛千總李國相繼室王氏江南元和人國相卒於任所前室遺二子皆幼氏扶柩旋里撫孤守節三十三年

張大順妻鄒氏夫亡子幼氏撫孤守節三十七年

李文通妻顧氏夫亡無子守節五十五年

劉永清妻潘氏夫亡子幼氏撫孤守節六十四年

楊起鵬妻段氏夫亡子幼氏撫孤守節四十七年

李文官妻韓氏夫亡子幼氏撫孤守節三十二年

楊秉乾妻李氏夫亡子幼氏撫孤守節三十一年

閃廷棟妻王氏夫亡子幼氏撫孤守節三十一年

丁秉玉妻許氏夫亡子甫三歲氏撫孤守節五十年

楊昭妻史氏夫亡撫嗣子維德成立爲縣學生守節三十六

年

馬生龍妻王氏年二十三夫亡偕叔姒共事舅姑雍睦無間

苦守節四十四年卒

周光漢妻靳氏年二十四夫亡子甫週歲撫育成立爲娶妻

生子未幾子亦亡無功係成古

李生桂妻牛氏年二十八夫亡守節四十一年年六十九
齊兆燕妻侯氏年二十一兆燕以貿易卒於漢陽子秉達尙
未週歲氏念翁姑在堂幼子未離襁褓不敢以一死重貽泉
壤憂奉親撫孤守節十五年年三十四卒子秉達妻郭氏秉
達早卒氏年二十九以死自誓嘗曰守節吾本分事也矧吾
姑苦節終身而敢隕其家聲耶子琮弱冠以明經選人咸稱
其兩世節孝餘屬方未艾云舉人皇甫臨泮爲之傳

趙鳳池妻王氏夫亡孝事祖姑與翁守節二十七年

劉廷弼妻徐氏年二十九夫亡守節年三十七卒

張大慶妾史氏年三十夫亡守節二十五年子某縣學生

賈士拔妻楊氏年十九夫歿事姑撫嗣子勤苦成業守節四

十二年卒六十一卒

清下里民司宗周妻魏氏夫亡氏年二十八三子俱幼家貧日夜紡織以爲教養之資子皆成立壽至九十有八而卒鄉人以松貞萱壽表其門

清下里民司雷妻魏氏年十七于歸未一載夫亡家貧無子奉姑盡孝以姪爲嗣撫若已出苦節四十二年年五十九卒庠生徐登妻魏氏年二十八喪夫子七歲氏立志守節紡績以奉翁姑守節四十餘年年六十九卒

楊維泰妻李氏年二十二夫歿生子甫九日勤勞撫孤奉繼姑以孝聞守節三十一年年五十三卒

屈鴻儒母劉氏夫死時氏年二十二長後爲守節六十年卒

五十九年卒

武舉劉蘭祖母王氏其祖天綬於乾隆二十六年卒氏年二
十二守節今八十餘矣蘭舉於鄉人皆謂節孝之所致云
劉萬程妻張氏年二十夫亡子生甫三月上奉祖考下撫幼
子苦節三十九年年五十九卒

高璧妻張氏年二十二夫亡無子以姪承嗣守節五十一年
王國璽妻喬氏歸國璽五年有子二歲而夫亡事舅姑以孝
聞乾隆戊申舅亦逝姑崔氏因子亡夫故日夜號泣遂致痰
壅氏奉養益謹二十餘年如一日焉苦節四十餘年壽七十
三許州舉人孫燦爲之序鄉黨表其門爲節孝慈壽云

秦允成妻任氏年二十六夫亡無子翁素患腿疾姑亦病癱

癸氏紡績供養不脫衣帶者十餘年撫夫弟成立守節十九年卒

任臨可妻李氏年二十八夫亡翁姑俱衰遺孤方五歲氏養老撫幼守節五十三年

任興清妻郭氏年十九夫亡遺孤僅數月翁年衰老氏養老送終撫幼成立苦節五十年

任務敬妻李氏年二十五夫亡翁姑衰老遺孤僅週歲家貧甚氏養老撫幼守節三十九年

牛元法妻李氏夫亡年三十勤苦食力以育二子守節四十餘年

史效乾妻郎氏年十九歸效乾逾月效乾貿易而出未三月
遂死時姑已早沒翁病癆瘵夫弟二人大者十歲小者五歲
家又貧窶炊烟不繼氏操作女紅上供甘旨撫育兩叔苦節
二十年年三十九卒

楊維譽妻張氏年十九維譽亡家貧無出氏痛哭嘔血誓以
死殉而翁姑年老奉養之人乃守節奉侍以終其身苦節三
十七年年五十六卒

陳有能妻秦氏有能死子纔彌月氏年十九食貧撫孤上事
姑嫜守節五十餘年卒

賈六謙妻王氏王錫三女嫁四月而夫亡夫有兄弟貿易於
外舅姑甘旨悉氏供養姑因六謙死憂感成疾四肢不仁展

轉須人扶持氏負之出入日數十次年餘勿少懈有叔舅賈長齡分爨已久夫妻相繼沒遺孤五歲家貧無養氏視如親弟爲之提師肄業飲食衣履皆氏親製夫兄感其賢貿易所得金悉歸氏而食指繁多不足資半載之用氏仍織紉經營以補之苦節三十二年節孝之聲人無間言

王鹿鳴妻范氏守節三十餘年撫幼子成立鄉人表其門卒於乾隆五十九年

李元章妻宋氏夫亡年二十家貧甚與遺腹子相守五十餘

年

張凌漢妻李氏夫亡年二十一無子以夫弟子爲嗣奉養

孝撫子姪慈里中賢之六十七歲而卒苦節四十六年

趙傑妻張氏年二十二夫亡事衰姑以孝聞撫幼子成立苦節四十六年

張蘭妻劉氏年二十二夫亡子生僅數月氏紡績以養親育子成立守節四十八年年七十卒

辛邦寧妻沈氏夫亡年二十七家貧甚矢志不移以夫兄之子爲嗣守節三十一年年五十八卒

曾振邦妻李氏夫亡年二十三守節七十年

朱榮妻李氏夫亡年二十九二子俱幼訓育成立守節三十年

婁城妻王氏夫亡年二十九撫子成立守節四十四年

崔恕瑩妻牛氏夫亡年二十九家貧甚紡績度日事舅姑孝

撫夫弟慈五十八歲卒守節二十九年

尹朝祿妻韓氏夫亡年二十九守節四十三年

梁殿弼妻鍾氏夫亡年二十子甫週歲家甚貧舅姑高年氏紡織奉事未嘗少怠子稍長教訓以義苦節三十七年

胡廣全妻婁氏夫亡年十九事翁姑撫三歲夫弟成立苦節三十一年

婁帝霖妻李氏夫亡年二十七無子以姪承嗣教以義方守節二十六年

貢生婁宮昇妻顏氏夫亡年三十子方三歲撫育成立守節五十六年

李學宗妻蕭氏夫亡年二十二上事八十之翁下撫四歲之

張國祥妻王氏夫亡年二十三無子以夫弟之子爲嗣事翁始以孝聞守節二十七年

黃永安妻閻氏夫亡年二十九刻志守節不出閫闕雖鄉族罕有能見其面者姑晚年患痿痺症氏奉湯藥未嘗少怠凡厠踰污穢之事手自滌濯者七載守節四十餘年

郭宗平妻張氏夫亡年十九遺一女未離襁褓舅洪友痛子之亡悲鬱而卒姑憐張少以意諷之張嗚咽曰姑中年喪子又所天荼苦如此姑尙能安兒獨不能安耶言已相嚮哭失聲誓死靡他後以族子爲嗣年七十四卒

任維身妻陳氏夫亡年二十七無子宗祀幾絕姑又亡氏力

勸其翁續娶翁年六十餘舉一女一男越數載而翁及繼姑皆歿氏撫所出如胞爲女擇配爲男成室焉男名維清生子氏卽以爲夫嗣守節四十七年

郭世忠妻任氏夫亡年二十五遺孤五月翁姑繼逝祖姑在堂年七十五家貧甚夫兄欲嫁之氏晝夜哭泣數欲自盡親鄰勸之乃解氏每食不充事祖姑衣食無缺守節四十九年卒

王秉禮妻劉氏年十七歸秉禮禮故農家子乾隆辛巳秋與兄秉仁夜守瓜田沁水漲溢寐弗覺溺焉其兄勇於泅救之弗獲哭而歸氏聞之痛不欲生一女未週歲嘗指而言曰妻

徇夫義也吾不忍以一鬼附遺孀也

嚴生泰妻皇甫氏年二十六夫亡撫孤成立守節五十餘年
年八十五卒

段秉壽妻田氏年二十二夫亡撫姪春芳爲嗣守節五十七
年

高桂元妻李氏年三十一夫亡翁進士汝英得癱瘓疾十四
年氏奉養無惰色守節三十餘年

徐廣漢妻茹氏年二十七夫亡子兆麒僅三歲上有祖姑及
翁氏奉養送終後兆麒復亡媳李氏亦守節焉氏年八十三
卒

茹重仁妻劉氏年三十一夫亡孝事翁姑撫夫弟成立守節

三十餘年

任好誠妻張氏年二十五夫亡家貧事親撫孤守節四十八年

庠生張連昇妻李氏年二十七夫亡撫二子成立皆入武庠守節三十三年

秦禮貴妻張氏年二十二夫亡守節後翁姑相繼歿氏盡賣妝奩經營葬事悼痛孤單鬱鬱而卒年三十三
孟進稽妻宋氏夫亡守節撫孤成立

庠生秦安國妻曹氏年十六夫亡守節孝親撫姪渭川爲嗣延師教養渭川後入郡庠食餼守節六十餘年

張大勳妻劉氏年二十七夫亡守節四十九年

張良佐妻孟氏年二十三夫亡家貧寒氏勤苦奉養翁姑撫育幼子守節五十一年年七十四卒

張永年張良佐之孫也妻王氏年三十二歲夫亡孝養翁姑撫姪爲嗣守節四十三年卒

張觀光妻梁氏年二十九夫亡家貧晝夜織紡以奉翁姑年方七歲不能兼養送至母家後翁姑卒竭力殯葬始爲子娶妻守節三十五年年六十四卒

游德元妻王氏年二十夫亡無子事舅姑克盡婦道舅姑卒葬埋如理以夫兄子爲嗣守節三十餘年

蘇玉龍妻李氏年十九夫亡遺一子甫週歲家素艱窘李紡績度日事翁姑以孝撫幼孤以慈艱難備嘗其夫昆弟三人弟出嗣兄無子翁姑每以爲憂李慨然曰大宗不可絕卽以子嗣之以慰二老心翁素患癱瘓病姑復失明李朝夕奉養未嘗或倦如是者三十餘年後子生三子二孫乃以其長子爲孫以嗣夫後守節至八十卒

田愷元妻蕭氏嫁半載夫亡遂絕食數日嘉慶五年卒

田峻妻蘇氏年十七來歸七日夫以墜馬死父母欲奪其志氏絕之遂不歸省紡織以事翁姑終身不窺門非子姪親族罕識面者乾隆三十一年知府沈公表其門嘉慶六

嘉慶六年氏感疾將殆嘆息語家人曰吾一生茹苦他無所憾惟念舅姑未葬而吾且死奈何諸叔憐之曰是病若愈卽擇日謀窆安矣氏病忽愈強健如平時奉事既畢後七日無疾而終里黨咸謂孝感所至云守節垂六十年

竇復興妻烈婦楊氏嘉慶八年夫亡氏卽日自縊以殉

賀文垚妻王氏年二十二夫亡撫遺腹子儒林成立事翁以孝稱翁亡鬻產治喪殮葬如禮嘉慶十二年卒年四十二歲任士煒妻郭氏副榜郭維信姊歸士煒三載而士煒死翁姑早沒事祖翁姑以孝聞祖翁病殆氏誓於神割股療疾旋瘳刀創亦愈人謂孝感後爲其夫立嗣嗣子殤氏悲癘成疾

於嘉慶十四年卒

張際祥妻王氏夫經商卒於外家貧無子有女三人氏茹苦守節日夜率女織紡度日隆冬無絮被者三十餘年後女皆適人婿有以布被遺者氏曰吾忍凍久不爲苦也竟不受後遺壻往扶夫柩旋里以葬氏於嘉慶二十二年卒守節四十年

田秉元妻仝氏年十七夫亡苦節三十餘年一日謂其嫂曰吾年例已符死無憾矣遂闔門自縊嘉慶二十四年卒

黃國相妻李氏庠生李翰女年二十七夫亡祀姑及翁相繼而逝氏上事孀姑下撫幼子成立道光元年以疾終守節三

庠生皇甫士英妻王氏年十九子歸生一子臨泮而士英歿
氏上事衰姑下撫幼子曲盡其道臨泮道光壬午舉人李編
修棠階爲之傳

陳廣美妻李氏農家子也性恬淡寡言笑鄰媪罕見其面年
二十四歸廣美廣美病已劇不能成禮翁老而鰥事之尤謹
閱三月廣美死殮畢不哭亦不食母憐之他言以觀其意婦
神志素定不可移謹防守而已逾月而葬葬之明日翁出遽
闔門自刃翁心動急歸排戶入婦屹立室中右手握刀首負
於背矣翁哭其母亦至尸始仆距嫁時百十二日耳邑人元
和知縣賈湘爲之傳

范椿園妻徐氏縣學生坤之女也父母愛之爲擇婿得椿園

歸焉逾歲生子汝璜又遺志椿園卒徐守節九年亦卒其事姑委曲孝謹其撫孤子所以教之望之者至深切也其卒之友異香滿室人以爲異姑哭之慟俾椿園兄桂園述其事乞前河東觀察庠邱劉公大觀爲傳以表之

王鶴齡妻鄭氏年十七歸鶴齡舅前卒事姑孝謹鶴齡習舉子業勤力以佐膏火相得甚歡未二年夫死又無子其姑以痛子故逾月亦亡先是鶴齡以上三世皆殯于室及鶴齡母子死併爲七棺鄭內顧族中尙無可爲後者乃盡鬻所有買葬地舉七棺寔焉居數月鶴齡之叔聯元舉一孫鄭請得爲嗣子乃拜聯元曰以墳墓相累即日命諸工匠處置其殯葬

于廷楷妻李氏年二十歸楷亡無子翁疑其年少不能守
李指日以誓願無改易翁信之遂紡績孝養守節五十年卒
增廣生王鑽妻劉氏年十八歸鑽生一子七歲鑽卒矢志守
節撫孤成立年八十餘猶紡績不懈八十九歲卒

王之林妻 氏年十七歸之林生三子之林死氏年二十七
有田十餘畝晝則督子耕耘夜即篝燈紡績持家甚勤未幾
三子相繼死止一孫氏又撫孫不數歲孫又死苦節六十九
年八十九歲卒

三之河妻馬氏年二十歸之河生三子之河卒其二子亦相
繼天氏撫其季子至于成立守節四十餘年卒

王沃妻董氏年二十歸沃沃素有腿疾左右扶持朝夕不怠

生一子四歲沃卒孤窮守節撫育幼子五十餘年七十八

卒

李學曾妻秦氏年二十一夫亡守節年五十六卒

王錫穀妻成氏年十九歸錫穀越十年錫穀與其兄錫嘏夫婦皆以疫亡錫穀子堯成三歲錫嘏子堯德九歲舅姑皆老氏日夜紡績上給甘旨之養下給家人之用心力頗悴旣而舅姑終其天年子姪各昏娶而氏之年亦就衰矣年八十三卒

李某妻皇甫氏夫死年二十二家貧甚或勸其改適氏誓之誓死以紡績撫養孤其夫兄又死其妻不能守屬子于氏

王明讓妻齊氏年二十三夫亡事舅姑色養備至撫嗣子成立守節五十年年七十一卒

張成禮妻楊氏年二十二夫亡守節四十餘年子學詩學書皆賴以成立學詩出嗣伯父事之一如所生人稱其孝

劉曰森妻董氏適劉七載而夫歿無子氏貞節自持孝事翁姑祖姑在堂患病數年氏躬親奉事朝夕不離病篤氏割股療之其孝行純篤蓋出自天性焉

劉克振妻徐氏年十七歸劉劉前室田氏遺子澤遠甫四月徐撫之如已出未週歲劉亡徐撫育澤遠愈加慇懃每自言曰吾當以閔子騫事爲戒卒年八十

秦國治妻陳氏夫亡年二十二守節四十四年卒

石良旺妻王氏年二十七夫亡無子事姑至孝姑亡喪畢度不能孤立自縊而死

李興略妻宋氏年二十四守節撫二子成立現年五十八歲
郭天揚妻趙氏年二十夫亡撫孤子萬柱成立守節三十三年現年五十三歲

庠生德顯妻謝氏年二十七夫亡守節三十八年現年六十五歲

張乾祥妻衛氏年十九夫亡苦節現年六十二歲

陳有禮妻申氏年十九夫亡苦節現年五十四歲

登雲妻張氏年二十九夫亡守節現年六十一歲

衛宏旺妻劉氏年二十夫亡清操自勵不出外戶守節已六
十三年

宋天章妻吳氏年二十四夫亡守節四十餘年現年七十一
歲

誥贈武德佐騎尉徐子華妻宗氏年二十三夫亡子幼安甫
周歲氏矢志守節葬夫教子備極勤劬幼安候選守禦所千
總氏 誥封宜人現年七十二歲

靳善長妻趙氏年二十四夫亡子方五月矢志守節歷久不
渝現年六十五歲守節四十一年

王維楷妻胡氏年二十夫亡現年四十六歲守節已二十六

年

陳自安妻張氏夫亡守節現年五十六歲守節二十六年

丁鵬舉妻李氏年二十七夫亡現年五十三歲守節二十七年

王有章妻范氏年十九于歸三月夫亡現年六十二歲守節四十二年

苗有龍妻王氏年二十二夫亡現年六十九歲守節四十七年

王正心妻樊氏年二十夫亡現年五十一歲守節三十一年
韓永善妻程氏年二十一夫亡姑亦繼卒翁無子氏罄衣飾

守節三十餘年現年五十四歲

許履均妻羅氏歸履均未逾年夫亡氏孝事孀姑守節今二十九歲

徐延祚妻董氏年二十八子甫四歲翁姑俱歿獨祖姑存老且病氏以紡績供藥餌祖姑歿棺斂之資悉出十指既又以祖舅姑及舅姑淹柩在堂竭力置塋地舉三世五柩歸窆窆焉現今守志四十年

茹重途妻田氏夫亡子甫二歲氏撫孤守節今五十年

劉大成妻衛氏年二十六夫亡守節現年六十一歲

李良善妻衛氏年二十四夫亡守節無子養舅姑終老葬畢無可依歸母家依母以居現年五十八歲

賈運寧妻鄒氏夫亡子甫周歲氏撫孤守節今二十四年

郭維智妻孫氏夫亡子世楹甫三歲氏撫孤守節今二十三年

李文法妻梁氏夫亡子清番甫三歲氏孝事翁姑撫孤成立守節三十四年

靳永和妻呂氏年二十二夫亡氏撫養遺腹子成立氏現年七十二歲守節五十年

陳廣涵妻范氏夫亡子謨甫周歲氏撫孤守節今二十三年
郝庠生田寬妻韓氏年二十七夫亡上奉翁姑下撫夫幼弟
皆成立復爲婚娶遂以夫弟之子爲嗣越數歲嗣子亦亡

庠生徐登妻魏氏年二十八夫亡子甫七歲家貧事紡績以奉翁姑守節四十餘年

趙世簡妻劉氏年二十三夫亡奉事翁姑生養死葬勤勞備至二子皆幼氏撫之成立守節五十年現年七十三歲

周文照妻羅氏年二十九夫亡撫子壩等成立守節五十餘年現年八十歲

劉錫祿妻趙氏年二十四夫亡守節四十餘年現年六十五歲

孟乾元妻張氏年二十五夫亡撫遺腹子龍驤成立守節三十八年現年六十三歲

孟士元妻王氏處士王增女年二十八夫亡矢志守節奉養

病姑撫訓幼子歷四十三載爲里黨所敬

王有位妻王氏年二十五夫亡守節撫子成立現年八十二歲

吳宗賢妻楊氏年二十七夫亡守節四十二年現年六十八歲

郭書醇繼室李氏年二十夫亡撫孤守節事多艱苦尤異於衆現年五十九歲

張成已妻王氏年十六夫亡苦節二十九年貞操著

郭書林妻李氏年十八夫亡苦節四十餘年現年六十餘歲

李位北妻黃氏年二十五夫亡撫孤成立守節四十四年現

年六十九歲

梁旭妻王氏于歸二載旭死氏年十九無所出奉事翁姑不
辭勞瘁者數十年翁姑歿殯葬諸事一力經營以夫弟溶子
爲嗣名連科愛若己出連科又早亡一子維和四歲氏與連
科妻陳氏共撫之教訓有方俾克成立王守節六十年陳琬
年五十二歲守節三十一年

馬啟金妻原氏年二十六夫亡氏無出以夫胞弟長子爲嗣
親操井臼奉翁姑撫嗣子人以賢稱現年六十三歲守節三
十七年

景伯約妻張氏年二十歲生子三月而夫亡茹荼飲冰撫孤
成立現年五十歲守節三十年

邑庠生陳步青妻任氏年二十四夫亡氏無出以夫兄子爲

嗣現年七十九歲守節五十五年

丁永順妻車氏夫亡子幼氏撫孤守節今二十四年

余慶宗妻徐氏夫亡撫孤守節今二十八年

劉嘉琇妻孟氏歲貢生書升之女也年十九夫亡子未週歲貧無所依矢志靡他父憐畜之以成其志氏茹苦撫子成立現年四十六歲守節二十七年

邵登俊妻蕭氏年三十夫亡守節三十六年現年六十六歲
陳如璧妻王氏年二十六夫亡守節三十一年現年五十七歲

都嵩峻妻靳氏年二十四夫亡守節二十六年現年四十九歲

歲

處士孫盛光妻李氏年二十六夫亡撫孤成立現年六十一歲

處士徐光天妻魏氏年二十一夫亡境遇艱辛紡績餬口撫嗣子引之名列膠庠現年五十七歲

處士沈九淳妻秦氏年二十六夫亡孝事翁姑撫孤成立現年五十七歲

邑庠生徐坊妻周氏年二十九夫亡守節事姑撫子成名現年六十八歲

楊明善妻宋氏年二十六夫歿遠方夫弟繼善亦已病故無子氏爲夫立後先祀不絕守節今三十三年

處士文錦妻李氏年二十七夫亡子士椿甫二歲家貧以紡

積度日侍奉六十老姑曲盡孝道又教子讀書成立守節三十三年艱苦備嘗今年已六十猶勤儉持家云

郭承先妻王氏年二十四夫亡家貧甚氏不憚辛苦善事衰翁撫孤成立守節今五十六年

劉鑑妻孟氏年二十適鑑未及三月夫亡守節二十八年現年四十八歲

牛文喆妻呂氏年三十二夫亡無子家貧甚紡績餬口善事翁姑及翁姑歿夫兄欲奪其志氏以頭觸石血流滿地乃止以姪爲嗣撫育成夫守節今三十七年

陳毓琮妻梁氏適琮一載琮亡爲夫已立嗣矣又力勸其翁

田調梅妻劉氏適梅之戴梅亡苦節三十餘年現存

王建學妻夏氏適建學一年夫亡年十九欲爲夫立嗣而近
支乏人日夜啼泣雙目失明至今七十餘歲貧老無依王氏
族人公養之現存

楊學禹妻吳氏夫亡年二十三矢志守節已三十一年

羅晴川妻張氏夫亡年二十三日勤紡績事祖姑及翁姑以
孝聞撫夫弟成立守節現四十年

姚振河妻朱氏夫亡年二十一家貧無子勤紡績以奉舅姑
以族姪爲夫嗣守節現四十六年

李守正妻褚氏夫亡年二十二家甚貧氏奉養孀姑撫遺腹
子成立守節已五十三年

張兆鵬妻范氏夫亡年二十五孝事舅姑撫未週歲子成立
守節已三十一年

殷興宗妻趙氏夫亡年二十四遺孤尙幼訓育有成並葬埋
翁姑及其夫喪皆氏經理守節已二十四年

李良苗妻王氏年二十一夫亡貧苦守節翁病割股療之規
年五十八歲有任烜妻陳氏者亦割股以愈翁病

黃正和妻李氏年二十二夫亡守節三十一年現年五十三
歲

天香妻張氏年十九子歸數月
氏冰霜矢志以姪承
守節今四十年

李下源妻張氏年二十一夫亡守節四十一年
司永新妻苗氏年二十一夫亡守節四十一年
翁姑下恤稚幼及翁姑殯盡禮盡哀守節今三十三年

苗光富妻張氏年二十五夫亡子振淮甫四歲其翁早逝姑
六十餘氏紡績爲業養老慈幼守節今三十四年

黃良棟妻王氏年二十五夫亡孝養翁姑撫育二子現年六
十五歲守節已四十年

王文廣妻廉氏年二十夫亡奉事翁姑養生送死竭力經營
以姪爲嗣現年六十六歲守節四十六年

張步青妻原氏年二十夫亡無子紡績以事舅姑姑歿百計
營措勸翁續娶生子步青其成立俾張氏之有後原之力

河內縣志 卷之三十三
也現年五十八歲

師乾妻帖氏年三十七夫亡奉舅姑撫孤子成立現年七十
八歲五世一堂可爲人瑞

陳正魁妻郭氏年二十守節無子現年五十三歲

李明和妻任氏年二十二生女一夫亡事奉翁姑養老送終
各盡其義苦節五十八年卒

李悅聲妻苗氏年二十六守節事翁姑以孝稱現年六十五
歲

李生亮妻李氏年二十一守節無子現年六十四歲

李新妻劉氏年十八夫亡無子事翁姑撫夫弟一人逮其

與夫弟短衣椎髻身先操作以事其姑夫弟偶乏用復傾囊
倒篋百計以調之既而夫弟生子卽與爲嗣撫恤備至然每
不育人稱苦節十九年矣

郝朝宗妻杜氏年十九夫亡守節

劉君用妻陸氏夫亡年二十六無子以姪繼隆爲後撫孤守
節現年五十六歲

太學生李位南妾王氏林氏位南卒王年二十六林年二十
四位南繼室郭氏以其年少欲遣之二人涕泣誓與共守郭
憐而止守節已二十九年

太學生魏復江妻陳氏夫亡守節繼姑劉恃陳以生後江有

舅老而鰥有妹適李氏亦寡居皆迎養之養生送死各盡其誠子四德聰德明德正德鳳德正郡庠生

劉魁軒妻王氏嘉慶五年魁軒死氏年三十守節撫孤子太林娶媳吳氏至嘉慶十九年太林又死吳氏亦矢志奉姑閉門紡績戚黨罕識其面

廉錫炳妻呂氏夫亡守節五十年現年八十四歲

廉錫正妻馮氏年十七夫亡苦節五十一年現年七十八歲
廉維侯妻張氏年二十七夫亡守節五十六年現年八十三歲

趙萬瑞妻蕭氏事翁姑至孝翁病氏割股以療之病尋愈

成萬世之妻 氏始病割股鄉鄰稱爲孝婦

趙世寬妻侯氏事奉翁姑孝敬篤摯翁晚年患溺血游幾瀆於死氏禱於竈神割股以進翁疾尋愈翁又病反胃艱於飲食且飲食無常時呼之卽至氏夙夜無寐困極則席地少憩衣帶不解者一歲餘里黨稱爲孝婦

王化全妻段氏十八歸化全夫婦相敬未嘗失禮化全偶疾欲食肉羹貧苦無所得乃割股以進食而美復索之又割以進遂因傷而亡年四十七歲

原發貴妻李氏因姑病纏綿醫藥罔效禱祝神前割股以療姑病尋愈事奉歷十餘年終無懈志鄉里爭以孝傳

李景擴妻張氏李璽妻宋氏李漢妻任氏皆年百歲

論曰婦人之德以貞靜淑順爲貴故古之傳列女者或以婦
德或以母教或以絳幔傳經或以顰面自矢兼收並錄無美
不備洎乎後世中庸之行不彰而乃以節烈特聞貞如昆玉
芬若芳蘭烏頭綽楔赫然表著以是維風教式鄉閭也然其
窮者或無力以請于上將遂湮没乎是尤不可不兢兢焉

畢復碩妻張氏南岳村人年二十四夫亡守節六十二年
八十五卒

陳光仁妻劉氏上期城人年二十二夫亡守節六十四年
八十五卒

杜復純妻王氏馬營村人年二十二夫亡服闋卽自縊死

畢際夏妻張氏南岳村人年二十五夫亡撫二子成立事翁
姑能孝守節五十二年七十六卒

李昌泰妻嚴氏北金村人年二十二夫外出不歸無子後聞
夫亡苦節以奉翁姑氏年五十五歲卒守節三十三年

邑庠生張若江妻王氏趙寨村人苦節三十餘年事姑尤孝
苗子實妻牛氏紫陵鎮人年二十五夫亡孝事舅姑守節七

十三年享年九十七歲

武生良妻張氏夫卒氏年十九家貧無子孝事舅姑苦節三十八年

畢珣妻蘇氏年二十四夫亡守節事姑以孝稱撫一孤子皆成立守節四十三年現年六十七歲

畢宗舜妻王氏年二十二夫亡撫穉孤成立孝事翁姑守節四十二年現年六十四歲

靳鵬年妻馬氏夫死守節後舅病割股以食之病獲愈鄉黨稱其節孝

曹靈源妻屈氏太學生應泰女子歸未久夫亡氏不食終日

然殘身以殉亦不爲也其兄邑諸生楚材慰之曰汝志節誠佳然聞汝妯有遺腹未誕倘得生男汝撫之爲嗣以延夫後不尤愈於死乎氏聽其言稍進食旣而其妯生女氏潛然曰吾無望矣仍不食嘔血卒

武有禮妻劉氏武家庄人年二十七而寡無子舅姑早卒家無所依惟叔武有信年始十一劉爲之延師教讀訓養成人治家政井井有條守節四十年現年六十七歲

呂繼先妻武氏南岳村人年二十二夫亡守節事舅姑至孝舅姑卒後假貸以葬克盡其道撫嗣子成立守節四十一年現年六十三歲

魏貞女居邑東北之尙家村幼許字于北山村高有福之子

高士父母早卒家貧無所依遂歸夫家年十七未合卺而夫亡舅姑憐欲嫁之女堅執不可母家有叔素無賴欲女歸寧女窺其意不允叔怒使肩輿候諸其門強逼之女欲自縊家人勸止之叔詬罵其門里中人不平遂鳴於官官詰之曰汝志可嘉然舅姑沒後又將何如女答曰舅姑沒後有死而已官欽嘆其節義賜綵緞一疋命肩輿以鼓樂導引送還其家今其姑尙存女現年四十三歲

張成已妻王氏皂角樹村人年二十二而寡孝事舅姑勤撫嗣子守節二十四年現年四十六歲

任居寬妻李氏在室卽以孝稱及適任氏姑素知其孝以家

義方其子啟睿弱冠補弟子員氏年七旬卒鄉里奉爲母儀
至今猶稱之

張德全妻劉氏夫亡矢節終其身

穆道傳

河內縣志卷第三十四

穆邱君太行山下道士武帝時以道術受賞髮白再黑齒落更生帝東巡泰山君冠章甫衣黃衣擁琴迎拜道左止帝勿上上必傷足指及數里右足指果折帝諱之故但爲穆邱君立祠

按劉向列仙傳云泰山下道士也舊志云太行山下道士不知何所據如存之

張奉字公先少時名激子活淡寡欲其妻服飾奢麗奉不顧

無異路人婦改服乃復成室家後棄俗入剡遇山圖公子觀

其自奉清儉有仙資授以九雲水強梁鍊桂法後得道不知

所終

太平御覽引天戒經曰張奉字公先河內人也太傅袁隗常歎其高擽又云在東華宮爲太極仙侯又見真靈

位業

圖

萬松行秀禪師姓蔡氏年十五禮邢臺淨土贊公爲師太和

河內縣志

釋道傳

六年金章宗駐蹕東莊以詩進迎駕上喜翼日臨幸方丈所
賜甚厚師於孔老莊周百家之學無不淹貫三閩藏教恆業
華嚴編祖燈錄六十三卷行於世

葉敬原學老氏術初病風四肢癱瘓羸弱如鬼形有少室道士
授以秘方歲餘體健如初肌膚膩澤耳目尤聰明五載後
形容轉少不知所終

王興德修攝生術十年無間身體輕健顏若芙蓉忽一日入
山不知所在

山世遠先是李少君以神丹度世經傳郭延延傳尹軌軌傳
世遠遠傳薊子訓

禪於恒山與遠師同住安法師期結宇羅浮及遠師爲安公所留師乃欲先度五嶺太元初至尋陽刺史陶範素挹道風乃留築廬山舍宅爲西林以奉師布衣蔬食清心克己容寬含笑語不傷物峰頂別立茅室時往禪思至其室者嘗聞異香因號香谷一虎同居人至輒驅去遠師之來龍泉桓伊爲立東林三十年影不出山師居西林亦如之嘗因法事至浚邑還山薄暮烏橋營主醉騎馬當道遮師不聽去師以杖指馬驚走營主仆地師憐慰之遂還營主病徃寺悔罪師曰非貧道意爲禱之尋愈鎮南將軍何無忌鎮尋陽至虎溪請遠公及師遠公持名望徒百餘高言華論舉止可觀師袒衣半脛荷錫提鉢松下飄然而至無忌謂衆曰承公清散之風

乃多於遠師也師標誠種願動在安養義熙十年在疾忽愈
衣求履欲起衆驚問師曰佛來也言終而化異香七日方歇
葬於寺之西南春秋八十三唐元宗朝詔重建亭追謚覺寂
大師實治之塔

蓮社高
賢傳

微禪師紫陵人人問如何是紫陵境曰寂照燈光夜已深如
何是祖師西來意曰紅爐燄上碧波流

笠泉彥僧問妙有元珠如何取得師曰不似摩尼范影麗碧
眼番兒豈能見曰有口道不得時如何師曰三寸不能齊鼓
韻啞人解唱木人歌

山鍊師受戴孟先生法暮卧先讀黃庭內景經一過乃眠魂

魄自制鍊行比二十年山去身去如真人

信道大師司馬氏世居河陰後徙蘄州廣濟生而超異幼蒙
空宗隋大業中盜圍城民皆惶怖大師頌經咒賊卽去永徽
辛亥忽戒門人端坐而逝

謝景脩供元帝像甚虔每禱必應景脩商游遠方兄景元以
祈禱無驗碎像棄井中神乃夢告脩脩急還見井中祥雲起
以器取之無少缺事之如初其香聞數里後脩白日飛昇今
城內舉僊橋蓋其遺蹟云

鎮淨月山寺僧也脩實行葺理合寺殿宇理藏經九十二歲
明天啟間端坐而逝


劉真不知何許人寓河內久康熙壬子癸丑間始有怪而傳
者嘗獨坐邑東北偏栢山下爲人長身美髯赤背坐必俯首

納兩膝間膝高於齒耳止許與之食食可十餘器或數日不與食亦不食問其爲曰劉真再有問不應也牧兒輩偶憶及驚曰真死矣敬視真俯首坐如故酷暑薰赫人皆沾汗淋漓真暴赤日中意氣自若或風雪大作熊罴虎嘯蹄跡交錯其前亦若不見不聞也歷三十三年無有名其爲何如人者

隱真禪師山西澤州人也俗姓馮氏名照崑初商於江南遭明季寇亂全家被害遂披緇衣遊至河內沐澗山愛真谷幽寂而歎其梵宇之傾敝乃鑿山洞趺坐其內地鮮人跡虎豹馴狎常轉一棗木根搏弄如丸以爲斂性之具苦行募緣三十餘年其寺竟立金龕綺榻燦然一新康熙十二年卒

論曰異端之學不可不察也

釋氏古少室緣以輔于滿度蓋亦有其功於時存之
謬妄荒惑靡所不爲者也



志餘

河內縣志卷第三十五

志餘者蓋各志之事既備有攷古遺聞無所傳麗而著之者有怪竒偉特祿出于傳記百家而不可廢者蓋亦有其人行不軌于中道汰而存之者嗚呼好竒愛博之士觀于此議而不辨可也

孔子弟子仲由字子路宋追封河內侯進封衛國公

朱熹尊經義考

武帝建元六年河內失火燒千餘家上使汲黯徃視之還報曰家人失火屋比延燒不足憂臣過河內河內貧人傷水旱萬餘家或父子相食臣謹以便宜持節發河內倉粟以賑貧民請歸節伏矯制罪上賢而釋之

漢書汲黯傳

岑彭從河內太守韓歆會光武徇河內歆議欲城守彭止不

聽既而光武至懷敵迫急迎降光武知其謀大怒收歆將斬之召見彭彭黜南韓歆南陽大人可以爲用乃贊歆以爲鄧禹軍師

後漢書彭傳

耿純從光武擊青犢于射犬純軍在前去衆營數里賊忽夜攻純兩射營中士多死傷純勒部曲堅守不動選敢死二千入俱持彊弩各傳三矢使銜枚間行繞出賊後齊聲呼噪彊弩並發賊衆驚走追擊遂破之馳騎自世祖世祖明且與諸將俱至營勞純曰昨夜困乎純曰賴明公威德幸而獲全世祖曰大兵不可夜動故不相救耳

耿純傳

劉隆爲更始騎都尉闕世祖在河內追于射犬以爲騎都尉

劉隆傳

賈復從光武擊青犢于射犬大戰至日中賊陳堅不却光武傳召復曰吏士皆饑可且朝飯復曰先破之然後食耳于是被羽先登所向皆靡賊乃敗走諸將咸服其勇

賈復傳

銚期從擊青犢赤眉于射犬賊襲期輜重期還擊之手殺傷數十人身被三創而戰方力遂破走之

銚期傳

光武南定河內而更始大司馬朱鮪等盛兵據洛陽又并州未安光武難其守問於鄧禹曰諸將誰可使守河內者禹曰昔高祖任蕭河於關中無復西顧之憂所以得專精山東終成大業今河內帶河爲固戶口殷實北通上黨南迫洛陽寇恂文武備足有救人御衆之才非此子莫可使也乃拜恂河內太守行大將軍事光武謂恂曰河內完富吾將因是而起

昔高祖留蕭何鎮關中吾今委公以河內堅守轉運給足軍糧率厲士馬防遏他兵勿令北度而已光武於是復北征燕代寇恂傳

寇恂守河內講兵肄射代淇園之竹爲矢百餘萬養馬二千匹收租四百萬斛轉以給軍朱鮪聞光武北而河內孤使蘇茂賈彊將兵三萬餘人渡河攻溫檄書至恂卽勒兵馳出合戰大破之追至洛陽而還時光武傳聞朱鮪破河內有頃恂檄至大喜曰吾知寇子翼可任也諸將軍因上尊號時軍食急之恂轉輸前後不絕

同上

鮑永馮衍知更始已歿乃共罷兵幅巾降于河內永聞曰卿衆何在永離席叩頭曰臣事更始不能令全誠慚以其

眾幸富貴故悉罷之

鮑永傳

吳郡張業字仲叔爲郡門下掾送太守歸鄉里至河內遇賊業拔劍戰死子武時幼不識父傷父喪不遺言至節日持業遺劍至河內到業死處酸祭悲哀野野人謝承後漢書

楊宣爲河內太守行縣有羣鵲噪桑樹宣曰前有覆車粟此

鵲相隨欲往食行數里果有車粟

益部耆舊傳

河內司馬元允元嘉中爲新釜令喪官月且設祭柑化而爲

鳶

酉陽雜俎

王導河內人也兄弟三人並得時疾其宅有鵲巢旦夕翔鳴忽甚誼諫俱惡之念云差當治此鳥果差果張取鵲斷舌而殺之兄弟悉得瘖疾

太平御覽引靈驗記

曹操還軍敖倉以魏种為河內太守屬以河北事初操舉种
孝廉兖州叛操曰唯魏种不弃孤也及聞种走操怒曰种不
南走越北走胡不置汝也既下射大生擒种操曰唯其才也
釋而用之 魏書本紀

董昭欲詣漢獻帝至河內為張楊所留因楊上還印綬 三國志昭
本傳

魏舒常詣野王主人妻夜產俄而聞車馬之聲相問曰男也
女也曰男書之十五以兵死復問寢者為誰曰公舒後十
五載詣主人問所生兒何在曰因條桑公矣公曰死舒自知
當為公矣 晉書本傳

傅子曰先王之制九州異賦天不生地不養君子不以爲禮

若河內諸縣去北山絕遠而各調出御上黨真人參上者十

斤下者五十斤

所生民以爲患

太平御覽

劉頌爲河內守郡

公王水碓遏塞流水轉爲漫害頌表

罷之百姓獲其利

晉書

張彌字巨秦汲郡人晉永嘉中與梁巨成武德城石勒攻之城潰彌隨例當坑大呼曰官當活健兒何以殺也曰有何健事而求活彌曰武德西城上大聲督時警備嚴設使賊不入

正是張彌勒笑曰降兒能爾正是奇健乃赦之

後趙錄

河內荀儒字君林乘冰省舅氏陷河而死兄倫求其尸積日不得設祭冰側賤與河伯投賤一宿岸側冰開尸首執賤浮

出倫又賤謝

異苑

洪屬先生欲歸河內舍人劉守璋贈先生揚雄鐵硯四皓鹿角杖

焦氏頽林

河內司馬惟之奴天雄死後還其家婦見體有鞭痕而却著錄問有何過至如此白曾因醉竊罵大家今受此罪

吳苑

郭默字元雄河內懷人世以屠沽爲業默壯勇拳捷能貫甲跳三丈壑時人咸異之此見必與郭氏河內陸允世之豪民望見以女妻之

前趙錄

北魏太宗泰常二年詔河內有姚泓子弟播越民間能送致京師者賞之

北魏書

承兆王愉謀逆卽位于信都之南世宗詔李平討愉愉頽敗

被執徵赴京師申以家人之罪

深不忍殺我吾何面目見吾尊傳下是獻歎流涕絕氣

元義亂政元熙起兵與元略書來去熙敗略潛行自託舊識
河內司馬始賓便爲救後夜與略俱渡孟津元略傳

爾朱世隆將被誅此年正月晦日令僕並不上省西門不開
忽有河內太守田帖家奴告省門亭晨日今日令王借車生
一乘北魏書

宇文述以行軍總管從章孝寬擊尉遲迥與楊文思等破迥
將李雋軍于懷州述先鋒陷陣俘甚衆隋書宇文述傳

宇文胄據武牢以虜虜邊迥高祖拜楊素大將軍發河內兵

擊胄破之楊素傳

楊元感起兵黎陽將襲東都以河內郡主簿唐禕爲懷州刺史唐禕至河內馳檄東郡之越王侗尙書樊子蓋等勒兵備禦

楊元感傳

踏搖娘者生於隋末夫河內人醜貌而好酒常自號郎中醉歸必毆其妻妻色美善歌乃自歌爲怨苦之詞河朔演其曲而被之管絃以寫其夫妻之容妻悲訴每搖其身故號踏搖娘

樂府雜錄

馬燧改懷州刺史乘兵亂之後其夏大旱人吏失耕燧乃務修教化將吏有父母者燧輒造之施敬收瘞瘞去其煩苛至秋界中生稻穀人頗賴之

唐書

楊氏楊承仙爲懷州刺史唐書古辨引丹水以灌田田之

萊遂爲沃野衣食河內數千萬人獨孤及集

丞相隴西公之秉鈞衡也以特達自負魚服民間時嘗旅遊

覃懷寓王氏別墅

忘其名

王氏先世薄宦子孫以力稼自贍殺

雞炊黍以備日餉汧相德之及佐佑大化王氏子齋逾限官

來謁蹇驢村僕不得與鳴珂武衛者較進則隱於執金龜

坎舍伺板輿出拜於道左汧相久之方省曰故人也遂芻餼

之逾旬以前銜除大理寺評事且賴吉鈿軸于天官氏面授

之前制獄寺有新泄官者必寺寮舊委微此則在朝五品以

上清資官爲識蓋國家慎刑讞也王氏子罷耕客長安寺官

旣不友其僚朝客又皆昧其面往不克泄復謁相門機務方

繁積於外無冑爲道其姪氏者旣不果謁侯坎舍如前步趨

始過則鳧趨以進具道前事相君問曰有狀乎對曰無又曰
有紙乎亦曰無襟袖何賻則遽探軸以進丞相昇中嘗置毫
硯遂擁百騎批綾紙曰中書侍郎兼禮部尙書平章事李回
識仍語廷評曰寄謝練寺諸曹長此亦五品以上清資朝官
也時議許以特達稱

唐闕史

孟元方字宏規東平鉅野人年十八明經擢第父母相次而
卒元方情慕不已則必徑往冢所抱樹而哭或日暮則止栖
柏庭會昌末有盜發其冢而元方在河內夜夢告之徑到鉅
野捕盜手殺以祭

史系

唐元宗在東都御五鳳樓醮集命三百里縣令刺史各以聲

樂集懷州刺史以車載樂工數百皆衣文幄帳箱之

虎豹犀象之狀上謂宰相曰懷州之民其塗炭乎以刺史爲

散官

通鑑

白樂天極喜河內李義山詩嘗云我死得爲爾子足矣義山生子遂以白老名之既長畧無文性溫庭筠嘗戲之曰以爾爲樂天後身不亦忝乎然義山有參師我嬌兒秀美乃無匹

不知詩之所稱卽此二子否

歷朝詩話

周顯德元年世宗新立聞北漢兵入寇自將禦之三月乙酉帝發大梁庚寅至懷州帝欲兼行速進控鶴都指揮使趙晁私謂舍人鄭好謙曰賊勢方盛宜持重以挫之好謙言于帝帝怒曰汝安得此言必爲人所使言其人則生不然必死好謙以實對帝命並晁械于懷州獄于辰過澤州與北漢軍遇

劉訶將後軍未至樊愛能何徽降于北漢北漢旣敗樊愛能何徽南走劉訶遇愛能于塗愛能等止之揚言官軍已敗績矣訶不從引兵而北北漢主尙有衆萬人訶至復與諸將擊之帝歸懷州釋趙晁之囚

五代史

紹興十年岳飛使梁興會太行忠義及兩河豪傑敗金人于沁水梁興在河北取懷衛二州大破兀朮軍斷河北金馬綱之路金人大擾

宋史

河北惟懷孟州號小江南得太行障其後故寒稍殺地暖故有梅且山水清遠似江南云

癸辛雜志

李端行毘陵人崇寧中與河內人李士英同舉士英作魁而端行第二意不平之嘗曰天下清氣無南北之異且吳中清

氣十分鍾於人湖北清氣爲精梨占了八分士英銜之其後
士英拜相端行坎墮以死

嘉善間燕常談

泰和元年章宗謂工部曰比聞懷州橙結實官吏檢視已嘗
擾民今復進柑得無重擾民乎其戒所司遇有則進無則已

金史

本紀

貞祐四年議發兵河北護民芟麥而民間流言謂官盡取之
詔遣裴滿蒲刺都訪民願兵與否還奏言臣西由懷慶東抵
曹單麥苗苦亦無麥臣宣布朝廷發兵之意皆感戴而不願
也于是罷之

同上

興定三年命樞密總官備儀外諸軍之武健者養之懷州等
城弱者罷遣

同上

河內縣志 卷之三 六
侯攀上言宜關山水以便饋運貞祐四年詔有司開之

金史

河內民家有多美橙者歲獲厚利仇家夜入殘毀之主人捕
得乃以却財誣其人仇家引服賊不可得石抹元攝州事究
得其情 石抹元傳

純只海散木台氏弱冠宿衛太祖帳下有功太宗命佩金虎
符仕至京北行省都達魯花赤至懷值大疫士卒困憊有旨
以本部就鎮懷孟同僚王榮潛畜異志欲殺純只海伏甲繫
之斷其兩足根以帛緘純只海口置佛祠中純只海妻喜禮
伯倫聞之率其眾攻榮家奪出之純只海裹瘡從二子馳旁
郡請兵討榮殺之朝廷遣使以榮妻孥資產賜只海家且詔

隸懷民萬餘口郭外將殺之純只海力爭曰為惡者上卷一

耳其民何罪若果盡誅徒守空城何爲苟朝廷罪使者以
不殺吾請以身嘗之使者覺奏帝是其言民賴不死純只海
給榮妻孥券放爲民遂以其宅爲官廨秋毫無所取郡人德
之尋以疾卒皇慶初贈上柱國溫國公謚忠襄仍敕詞臣劉
敬中製文樹碑于懷以旌其功云

元史純只海傳

二十九年完澤等言懷州竹課歲辦于九十三錠尙書省分
賦於民人實苦之宜停其稅帝嘉納其言

本紀

大德九年成宗不豫中宮秉政詔遣愛育黎拔力八達與其
母宏吉刺氏出居懷州愛育黎拔力八達至懷州所過郡縣
供帳華侈悉令撤去嚴飭扈從毋擾于民民皆感悅

本紀

仁宗降居懷州又如實山

節如一左右化之皆有備雅風雖是上下益親

李孟傳

譚澄爲懷孟路總管歲旱令民鑿唐溫渠引沁水以灌田民
用不饑教之種植地無遺利

李孟傳

元中統初河內許魯齋應詔入都道謁靜修先生靜修言公
一聘而起無乃太速許答曰不如此則道不行

魯齋集

許魯齋見斥佛老懷孟化之有僧德公者詔其徒曰老僧苦
行百年亦不能成佛徒爲不孝子若輩還家可也

理學宗傳

大德間仁宗在潛邸日奉荅吉太后駐輦懷州特苦羣蛙亂
喧終夕無寐翼日太后命內侍傳旨諭之曰吾母子方憤憤
雖恐惱人耶自後其母再鳴故此地雖有蛙而不作聲

輟耕錄

嘉靖二十七年河內鄭王厚烷疏請止

窮理克己存誠四箴及演連珠十首以簡禮怠政備非惡諫
神仙土木爲規上手批其疏曰爾探知宗室有謗訕者故茲
效尤彼勤瘁細物一無賴子耳爾真今時之西伯也請欲爲
爲之

明史鄭王傳

崔銑跋何粹夫書何子超卓之見具此三書可謂前無古人
矣何子守身之潔一介不取蹈道之堅終日不俟俗緣時
掃除盡矣吁可仰哉僕矢心竭力企其一二而愧未能焉

何公瑋家居廬舍不過數椽儻衣蔬食日以觀書玩道爲樂
當世達人公卿亦罕接見惟王浚川呂涇野諸公至屏從遊
廬雅談終日爲翰林時古朴衣冠不事藻飾而文美在中志
存當世旣忤時俗左官卒以人望致仕通顯又復乞歸杜門

掃跡官司禮餽悉卻不受其於利若將免焉德慈玉靈藏新二則

鄭端清世子讓國自稱道人造精舍棲慶郭外居之每出竹
堯四人昇之精邵康節之學宮中有一櫃手自緘鑄每歲
易一封遺令遇急乃開及其壽壽平值河北流寇之亂發
得破衫五一濶大四稍窄小玉軀幹甚偉其弟四人則短小
也遂衣而逃某年亂定歸王府一舊人忽遇端清於山中云
傳語諸孫當速去故里不可居也壽平兄弟以爲妄不聽未
幾及難池北偶談

大鐵椎不知何許人北平陳子燦省兄河南與遇宋將軍家
宋懷慶青華鎮人工技擊七省好事者皆來學人以其雄健
呼宋將軍云宋弟子高言之亦襄慶人多力善射長子孫七

歲少同學故嘗與過宋將軍時座上有健啖客貌甚寢右脇
夾大鐵椎重四五十斤飲食拱揖不暫去柄鐵摺疊環襯如
鎖上鍊引之長丈許與人罕言語語類楚聲扣其鄉及姓字
皆不答既同寢夜半客曰吾去矣言訖不見子燦見窻戶皆
閉驚問信之信之曰客初至不冠不屨以藍手巾裹頭足纏
白布大鐵椎外一物無庾持而屨多白金吾與將軍俱不醒
問也子燦寐而醒客則寤睡炕上矣一日辭宋將軍曰吾始
聞汝名以爲豪然皆不足用吾去矣將軍強留之乃曰吾嘗
奪取諸响馬物不順者輒擊殺之衆魁請長其羣吾又不許
是以讐我久居此禍必及汝今夜半方期我決鬪某所宋將
軍欣然曰吾騎馬挾矢以助將軍何止賊能且衆吾欲護汝

則不快吾意宋將軍故自贊且被勸客屏爲方請客客不爲
已與偕行將至鬪處送將軍登坐坐上曰但觀之慎勿聲令
賊知汝也時鷓鴣鳴月落星稀賊騎野百步見人客馳下吹威
篋數聲頃之賊二十餘騎四面集步行負弓矢從者百許人
一賊提刀縱馬奔客曰奈何殺我兄言未畢客呼曰椎賊應
聲落馬馬首盡裂衆賊環而進客從容揮椎人馬四面仆地
下殺三十許人宋將軍屏息觀之股栗欲墮忽聞客大呼曰
吾去矣但見地塵起黑烟滾滾東向馳去後遂不復至

集

魏叔子文

流寇破河內縣尹丁運泰罵賊被磔所乘馬賊騎以入縣至

堂下大斯人立狂逸不可制竟觸牆死

聖師錄

附錄史傳三篇

郭默河內懷人少微賤以壯勇事太守裴整爲督將永嘉之亂默率遺衆自爲塢主以漁舟抄東歸行旅積年遂致富流人依附者漸衆撫循將士甚得其歡心默婦兄同郡陸嘉取官米數石餉妹默以爲遠制將殺嘉嘉懼奔石勒默乃自射殺婦以明無私遣使謁劉琨琨加默河內太守劉元海遣從子曜討默曜列三屯圍之欲使餓死默送妻子爲質并請糴焉糴畢設守曜怒沈默妻子於河而攻之默遣弟芝求救於劉琨琨知默狡猾留之而緩其救默更遣人告急會芝出城浴馬使強與俱歸乃遣芝質於石勒勒以默多詐封默書與劉曜默使人伺得勒書便突圍投李矩後與矩并力距劉

石事見矩傳太興初除潁川太守默與石忿戰敗矩轉感弱默深憂懼解印授其衆軍殷鑰謂之曰李使君遇吾甚厚今遂棄去無顏謝之三日可白吾去也乃奔陽翟矩聞之大怒遣其將郭誦追默至襄城及之默棄家人單馬馳去默至京祿明帝授征虜將軍劉遐卒以默爲北中郎將監淮北軍事假節還故部曲李龍等謀反詔默與右衛將軍趙允討平之朝廷將徵蘇峻懼其爲亂召默拜後將軍領屯騎校尉初戰有功及六軍敗績南奔郗鑒議於曲阿北大業里作壘以分賊勢使默守之峻遣韓晃等攻默甚急壘中頗乏水默懼分人馬出外乃潛從南門盪出留人堅守會峻死圍解徵爲右軍將軍默樂爲邊將不願宿衛及赴召謂平南將軍劉允曰

我能禦調而不見用右軍主禁兵若疆場有虞被使出征方始醜給將卒無素恩信不著以此臨敵少有不敗矣時當爲官擇才若人臣自擇官安得不亂乎允曰所論事雖然非小人所及也當發求資於允時允被詔免官不即歸罪方自申理而驕侈更甚遠近怪之初默之被徵距蘇峻也下次尋陽見允允叅佐張滿等輕默俛露視之默常切齒至是允臘日餽默酒一器肫一頭默對信投之水中忿憤益甚又僞人蓋肫先略取祖煥所殺孔熈女爲妻熈家求之張滿等使還其家肫不與因與允滿有隙至是詎謂默曰劉江州不受免密有異圖與長史司馬張滿荀楷等日夜計謀反逆已形惟忌郭侯一人云當先除郭侯而後起事禍將六矣宜深備之默

既獲恨復率其徒候單門開襲允允將吏欲距默默呵之曰
我被詔有所討勳者誅及三族遂入至內寢允尙與妾卧默
牽下斬之出取允像佐張滿荀楷等誣以大逆傳允首於京
師詐作詔書賞視內外掠允女及諸妾并金寶還船初云下
都俄而遂停允故府招桓宣王愆期愆期懼逼勸默爲平南
江州默從之愆期因逃廬山桓宣固守不應苟徒王導懼不
可制乃大赦天下梟允首於大航以默爲西中郎將豫州刺
史武昌太守鄧嶽馳白太尉陶侃侃聞之投袂起曰此必詐
也卽日率衆討默止疏陳默罪惡導聞之乃收允首詔庾亮
助侃討默默欲南據豫章而侃已至城下築土山以臨之諸
軍大集圍之數重侃惜默默勇欲活之遣郭誦見默默許降

而默將張五宋侯等恐爲侃所殺故致進退不時得出攻之
轉急宋侯遂縛默求降卽斬於軍門同黨死者四十人傳首

京師

晉書

張衡字建平河內人也祖凝魏河陽太守父光周萬州刺史
爲幼懷志尙有骨鯁之風年十五詣太學受業研精覃思爲
同輩所推周武帝居太后憂與左右出獵衡露髮與櫛扣馬
切諫帝嘉焉賜衣一襲馬一匹擢拜漢王侍讀衡又就沈重
受三禮略究大旨累遷掌朝大夫高祖受禪拜司門侍郎及
高祖王廣爲河北行臺衡歷刑部度支二曹郎後以臺廢拜并
州總管掾及王轉牧揚州衡復爲掾王甚親任之衡亦竭慮
盡誠事之奪宗之計多衡所建也以母憂去職歲餘起授揚

衛司馬賜物三百段開皇中熙州李英林聚眾反署置
百官以衛爲行軍總管率步騎五萬人討平之拜開府賜奴
婢一百三十口物五百段金銀雜畜稱是及王爲皇太子拜
衛右庶子仍領給事黃門侍郎煬帝嗣位除給事黃門侍郎
淮位銀青光祿大夫俄遷御史大夫甚見親重大業三年帝
幸榆林郡還至太原謂衛曰朕欲過公宅可爲朕作主人衛
於是馳至河內與宗族具牛酒帝上太行開直道九十里以
抵其宅帝悅其山泉留宴三日因謂衛曰往從先皇拜太山
之始塗經洛陽瞻望於此深恨不得相過不謂今日得詣宿
願衛俯伏辭謝奉觴上壽帝益歡賜其宅傍田三十頃良馬

一匹金帶練綵六百段衣一襲御食器一具衛固讓帝曰天

子既至稱幸者蓋爲此也不足爲籛衡復熾食於帝帝令
賜公卿下至御士無不霑洽衡以藩邸之舊恩寵莫與爲比
頗自驕貴明年帝幸汾陽宮宴從官特賜絹五百匹帝欲大
汾陽宮令衡與紀宏整具圖奏之衡承間進諫曰比年勞役
繁多百姓疲敝伏願留神稍加折損帝意甚不平後嘗曰衡
謂侍臣曰張衡自謂由其計畫令我有天下也時齊王賧失
愛於上帝密令人求賧罪失有人譖賧違制將伊闕令皇甫
詡叱之汾陽宮又錄前幸涿郡及祠恒岳時父老謁覲者衣
冠多不整帝譴衡以憲司皆不能舉正出爲榆林太守明年
帝復幸汾陽宮衡督役築樓煩城因而謁帝帝惡衡不損瘦
以爲不念咎因謂衡曰公甚肥澤宜且還郡衡復之榆林俄

而勅衡督役江都宮有人詣衡訟官監者衡不爲理還以訟書付監其人大爲監所困禮部尙書楊元感使至江都其人詣元感稱寃元感固以衡爲不可及與衡相見未有所言又先謁元感曰薛道衡眞爲枉死元感具上其事江都丞王世充又奏衡頻減頓具帝於是發怒鎖衡詣江都市將斬之久而乃釋除名爲民放還田里帝每令親人覩衡所爲八年帝自遼東還都衡妄言衡怨望謗訕朝政竟賜蓋於家臨死大言曰我爲人作何物事而望久活監刑者蓋耳促令殺之義寧中以死非其罪贈大將軍南陽郡公謚曰忠有子希元隋書李邦彥字士美懷州人父浦銀工也邦彥喜從進士游河東舉人入京者必道懷訪邦彥有所營置浦亦罷工與爲之計

復資給其行由是邢彥聲名奕奕入補太學生大觀二年上舍及第授秘書省校書郎試符寶郎邢彥俊爽美風姿爲文敏而工然生長閩閩習猥鄙事應對便捷善譔議能蹴鞠每綴街市俚語爲辭曲人爭傳之自號李浪子言者劾其游縱無檢罷符寶郎復爲校書郎俄以吏部員外郎領議禮局出知河陽召爲起居郎邢彥善事中人爭薦譽之累遷中書舍人翰林學士承旨宣和三年拜尙書右丞五年轉左丞浦死贈龍圖閣直學士謚曰宏簡邢彥起復與王黼不協廼陰結蔡攸梁師成等讒黼罷之明年拜少宰無所建明惟阿順趨諂克位而已都人目爲浪子宰相徽宗內禪命爲龍德宮使升太宰知衆議不與外患日偪抗疏丐宮祠金人旣薄都城

李綱種師道罷邦彥堅主割地之議太學生陳東數百人伏
宣德門上書言邦彥及白時中張邦昌趙野王孝迪蔡茂李
悅之徒爲社稷之賊請斥之邦彥退朝羣指而大詬且欲墮
之邦彥疾馳得免迺以特進觀文殿大學士充太一宮使不
旬日吳敏爲請復起爲太宰人皆駭愕言者交論之出鄧州
遂請持餘服提舉亳州明道宮建炎初以主和誤國責建武
軍節度副使潯州安置方蔡京王黼用事附麗者多援引入
政府若余深薛昂吳敏王安中趙野史皆逸其事因附著於
此云

宋史

叙傳

河內縣志卷第三十六

大矩既兆形束壤制舉陸紛布廣輪周達其土有堅壚偃瀦之異其氣有暑寒陵衍之殊凡民之生剛柔燥濕各安其性言語嗜慾皆應其類是以莅政施教必因時順宜以利導之察陰陽向背候序遲速之度循原隰水澤肥墪高下之宜因其所喜以勸善因其所惡以禁姦勿繩之以所不安勿憫之以所不知夫楫雖利不可以逾楫輻雖廣不可以濟川權衡率繩異形而皆施丹青膠漆不同而皆用勢各有適物各有宜此爲治之軌不可替也昔者文命之聖區別九州定其山川分其圻界條其物產辨其貢賦降及姬宗六官分職司書掌邦中之板土地之屬司徒以土均之法齊天下之政誦訓

道方志以詔觀事道方應以知地俗司險達道路保章辨封
域皆摠于冢宰以成六典之治周之中葉典籍未亡故我夫
子取百二十國之寶書以成春秋漢時計書既上太史郡國
地志固亦在焉劉向略言地域張禹使屬朱憲條記風俗班
固因之作地理志晉擊虞作畿服經其州郡及縣分野封略
事業國邑山陵水泉鄉亭城郭道里土田民物風俗先賢舊
好靡不具悉其書已亾後之學者但宗班氏而已若陸澄之
所纂任昉之所增唐李吉甫元和之編宋樂史太平之紀皆
摠括寰瀛僦于國史下此如潘岳之述關中王範之叙交廣
雷次宗獨詳于豫章顧啟期遂傳夫婁地江源士女亦行可
書扶南風物殊聞咸紀雖偏採方隅襍陳簿錄首定

諭道辨物類名詮動植之詳喻勸懲之旨使夫遐陬單壤曩
厥嘉產登之冊府揚于天下而履其鄉者繙帙啟疏殫察利
疾如闕櫛比之中而通其苛媿怡愉之意于以惇禮而拯性
頒憲而糾俗執其臬守其經以求砥于大同胥繇是矣哉

朝聖緒丕承煒燦淳懿元鈞駿模乾奠坤謚餐化羣倫廸蘇
批祐擊拱大常覃洎庠四垠九荒岡晷沈墨稷慎大塵沙車
挹婁舉厥駢踵之倫靡弗昌樂肉飛蓋蹈首向

王會之圖重譯之紀僉陳于職方惟

聖天子設象以爲民紀躡本肇末比綴以度尤令區夏一意
同欲連屬其情秩之軌物故

憲典昭著命守土之吏典修方志以時罔怠所以齊統服并

貞劑法至美也河內之爲縣延袤雖僅百里而介于河朔地
近宅中首絡太行澤潞之所控也扼河陽倚溫原南臨卽洛
東延鄴魏沁丹以爲洹白陘以爲隘風侯和傲土澤膏茂轅
轍四達沃野平曠自漢以來世治則爲殷阜之區有事則爲
據衝之會故多往跡遺址載于群史者尙可考見其民敦愿
以謹率義向方碩儒文人遺風未泯鄉曲之間孝友廉讓貞
苦卓立之輩不待問世而生不可謂非雅邑也通以虛薄之
才忝焉承乏振轂平舉之右塞帷武德之原鳴山澤之雄秀
喜閭井之蕃滋振裘挈領莫知其端敗駕傷錦然而思懼是
用稽前誥求訓典揆今以觀古由迹以度遠而故乘荒蕪遺
聞散佚舊所存者非有闕駟之精博賈耽之勤蒐補所應詳

登所宜汰援引鮮據舛互非一况時逾百年未經復修月成
歲會久而無徵潛德幽光湮而莫舉遂使文獻之域同于蓂
隨老成既謝典刑蔑如是可慨也通以先務是急不敢諱其
疏愚竊有修輯之志迺歷考史籍以定其規廣覽篇冊以求
其備搜碑碣以辨其異同取公牒以證其釐革延邑人之耆
俊俾陳先德之所述進都鄙之耆長使達惇獨之行積之甚
月舊章差集然後授簡於友人方君履齋吳君育削繁摘要
斂華賁實經之以事緯之以文適前河東觀察劉松嵐先生
懸車養逸主講懷州因得就正有道加之刪訂乃有成書通
謹按河內之志創于明萬歷二十五年知縣洪桐盧君夢麟
而邑人王方伯所用時始舉孝廉實佐其事盧君爲之序略

曰世無不志之邑無志者獨河內彼爲其附郡郭凡當志郡志總之矣然則他外屬非摠於郡乎無志是無河內以是綰邑者深思之而前令解州侯公實翔爲之考索故典網羅逸聞屬孝廉王君次第其書適侯以故去役遂中輟不佞至此逾二年而始討舊事以終盛舉更期年而脫草創闢畢役河內於是乎有志志成於是乎有河內矣夫不佞非敢爲志也仍前政之舊以成其美無亦爲侯公與余同意氣哉睹河內枕山扼河據孟津之上節俠孝義代不乏人皇代建制規模宏遠諸城堡官師戎政夙絕前代文學繁興商帙增輝而區區所僭陳於搢紳先生及父老子弟者則惟曰風俗其自今致好尙景行前休使此地人文視昔有加以爲國家之盛以

無空斯志則不佞與主君之所大幸也志今已佚但求得其序如右越六十一年爲

國朝順治十五年知縣大興孫君灑奉中丞賈公命修輯延邑明經王君玉汝爲之屬筆王君卽方伯所用子也未竣而孫君去任繼之者晉江林君環昌復與邑人刑部郎中蕭君家芝叅訂授梓時順治十七年也林君序曰吾讀禹貢首冀州而先紀底績于覃懷者蓋所以濬治源而普平成之化也河邑有志始于明神宗朝迨

皇清戊戌歲賈宮保撫憲中邦檄各郡邑續殘綴遺垂爲信史誠鉅典也孫君董修河邑志未就亥冬環昌甫蒞茲土適逢盛事雖吏務鞅掌而奉命弗遑時與鄉先生蕭紫眉諸公

忝訂考核有存者有逸者有曩逸而今存者有曩存而今逸者大率嘉美則增而繁則去要克當於可逸可存而止爰自冬徂春壽梨告成乃如瞻疆域形勝則太行屏乎其北丹沁帶乎其東而鼎峙以表赤城之鎮安瀾以沛紫陌之膏者良足重矣閼里鎮土田雖六十三之繡錯棊置萬一千之望杏瞻蒲第邇來畝荒賦劇民瘠徭多且地當荆楊雍冀之孔道軍需旁午絡繹疲于奔命而疏引運漕更爾繁重維艱鴻未寧於攸居漁又苦於竭澤繭絲乎保障乎不禁海發而深省矣若夫叔達以典農稱太業以清簡著袁鳳翔鑿山開河之蹟王子房捍寇禦侮之勛四公治譜所最表者尸祝弗衰奕世下猶凜凜有生氣至於苟變推重於子思義伯見嘉于楊

龍飛道光之三羣其夏四月知縣袁通始自汝陽遷劇河內
明年正月志事始舉匝歲而畢卽捐廉俸付之梓人至五年
三月其工亦竣凡爲書三十六卷嗚呼通之先人以魁偉絕
特之才彌綸經術錯綜藝文早膺特徵繼擢甲第入校秘書
出宰上邑播德宣惠以洽聞初莅建康歎其志乘之疎廢
乃覃思杼藻纂若干卷刊藏官曹以爲彼邑之典式通無似
不克守先人之學而幸竊微祿從事此邦尋繹緹素編采故
實亦獲與賢士大夫共觀厥成小子何足以知此其亦猶先
人之志也夫其亦猶先人之志也夫乃爲之叙曰

文德鴻昭

天章雲會月山梵勝寵邀

玉軼魏君御射唐宗新誠孰與

聖謨炳煥百代

臣通

謹述

聖製第一

中區豐壤綰河鑰山野王故都衛角所安漢稱巨郡宛潞是
環唐始置邑昔名未刊二郡五縣遷易既遷戎或屬隸于
郊原長爲浩穰星絡綺連竹柏妙遠黍禾滋蕃開方計里呈
于簡端述縣境圖第一

附路之精孕彼峻嶒峨峨懸監權輿八陘疎幃含蕤複岫舒
屏天井旣闢地肺載疑述縣境諸山圖第二

銅鞮濫觴脅宰太行石門始啓灌寢千里過壘疏渠不均上

映述沁河圖第三

河源之水來丹林沙麓九泓漸碧潄二十五泉衍其襟滋漉
所達珍如金慎勿泛溢愁黎黔述丹河圖第四

沈有東支乃潤我懷仁瀆恬流涓涓潛潛穴郭通脉澄源鏡
開述濟河圖第五

崇墉匪廣河朔襟喉各山枕堞平渠繞霽雲氣掩靄衣冠所
游劫之輦之以奠爾陬述縣城圖第六

勿謂傳舍夙夜思虔無以莅之荻障猶愆阮生曠朗朱穆貞
堅景行克仰孰與嬖肩述衙署圖第七

壁水環林清穆是崇懷經登降束修禮容述學宮圖第八

區昔壤續史事繫以表罔不備羅百代誠簡易附沿革規往

志述紀事沿革表第一

位惟鄰民如絃貞直哲人宣勞彛典罔斃惟彼不諛俾民大
棘野王建治歷璿嘉德厥惠勿諉名乃永植官師之錄俊庸
並列後有君子是懲是則述職官表第二

周武之穆始啟邗封溯漢洎宋或王或公元君斥居入紹大
宗鄭藩在明九傳乃窮述爵封表第三

韞價敷澤充秀邗閭鴻毛順風揚袍九衢子禮顓經遂舉高
第先達可懷醇修允繼既貴名騫又思德副由庚在詠勗哉
衿胄述選舉表第四

營室東映井竿億臻爲締爲鄂翳古名存分畫保圻以諭遂
人述疆域志第一

太行幹麓傑儼千疊東委金傘西起蛟脊潢泉徐衍如津貫

觚經山緯川比于桑酈述山川志第二

晉風褊嗇衛俗織儉酌和安雅禮教相染珍藥盈畦良禾萬
鐘爾田爾宅土物土風于于敦愿以洽大同述風土志第三
五行淑慝偏鍾一隅休徵咎徵時與地殊於鑠

聖代羣麻合符頌呈瑞麥歌集康衢述祥異志第四

肥壤萬頃水田十三明季倍征罔顧民暑

皇朝均賦農食始厭計粟納算以養以恬歉則

蠲恤

惠澤益覃述田賦志第五

懷有神令時惟袁公疏巨浸修曲防奪彼斥鹵生之稻梁達
闕畜流母怠厥功述水利志第六

明禋舉矣嘉薦饗矣爾主百神亦職有常矣粢盛芳醴敢曰非馨何以格之時和歲成述祠祀志第七

魯齋雅化膠序如林釋耒而趨東帶橫琴文翁巴蜀延壽淮陰灑掃儒肆悠悠我心述學校志第八

郵亭官寺郭郭津堤經始有日繕葺有期粵興百堵宜間三時述營建志第九

光武帝業峙此而雄形勝之域戎轂所衝塢壁設屯三十三所何如寇公居若卧虎

乾字晏安武備亶修磨嚴玉帳坐奠金甌述兵防志第十

坂曰羊腸臺名射犬古人不作遺蹤未前窺窅窅仙觀闐闐梵

庭駕言出游攄我幽情述古蹟志第十一

中郎入吳迺得詩細茲求鄉宍往冊多翳採輯經論雜錄傳
記甲乙篇目編以世次述經籍志第十二

河朔片石珍瑒琅驚籠妙書開竒礪抉幽欲起韋仲將歸山
金累呈瑤光誰與秘此雲錦章述金石志第十三

玉溪麗藻振轡今古餘膏剩馥揚鱗刷羽燦然高詠緬爾元
矩屬辭比事軼文咸舉述文詞志第十四

安仁孝若尊風賞流惟袁鳳翔實勤大猷才克禦亂子房最
優尸祝奉嘗春社秋牒式諮雅範願企前修述循政傳第一
肩道接溺嗟許與何銀管可鑊白圭不磨藹藹粉榆子子蓬
麻百步懷香十室忠信幽媾具昭植躬宜峻述先賢傳第二
孝爲文本義乃穆行所居心化如響斯應沁水之陽獨楓之

里實產丁郭肫肫素履幽顯能格百世奮起述孝義傳第三
準仁軌義麋骨無悔正氣盤礴充貫宇內魂兮來歸翁耀靈
輝廉頑立懦爲邦家徽述忠節傳第四

霜條空谷貞禽不擾士有遐心蟄居塵表名隨迹削氣爲身
寶羣驚羽人野王二老述隱逸傳第五

運期遠游文若避地樂土可遷是焉僑寄述流寓傳第六
技進乎道貴爲世用棘猴恥織木鳶徒控甘石俞附精傳孰
貽機神獨蘊遂炫魁崎述藝術傳第七

中闖之操達于紫闥水井夜朗漆帷晝昏孤鶴翔雲女貞在
原過閭則軾有祀必膳述列女傳第八

鹿野勝因龍崎靈族俱空萬有自守真獨太行石髓邑之豆

掬元鑰可探塵跡誰屬述釋老傳第九

析謏聞麗簡末列宄行寓屏黜述志餘第十

藝文胥該典物差究民生勤窳山澤延袤實事求是闡徽章
榘懋勸必詳考見或囿大雅嗣音匡厥讓陋述叙傳第十一

